

„Got Prayer?“

Młodostni na mjezynarodny prayerfestival w Marienfriedže přepróšeni

W jendželskej wobchadnej řeči rozšěrjenu formu „Got Prayer?“ móhli přeložić z „Džensa so hižo modliť?“ abo tež „Je so džensa hižo něchtó za tebe modliť?“. Takle móht so tež mjezynarodny prayerfestival wopisać, kotryž wotměje so wot srjedy do njeđeze, 14. do 18. awgusta, w Marienfriedže pola Noweho Ulma.

Něhdže 2.000 młodych ludźi chce so tam zetkać a zhromadnje so modlić, spěwać, mjelčeć a swječić – potajkim wokřewjenje modlenja nazhonić. Štyri dny dołho – wodnjo a w nocy – česćuje so tam w hoberskim swjedženskim stanje Najswjećiši sakrament wołtarja, wobdaty wot sta so swěćacych swěčkow. Z nimi ma so předstajić palacy so kerk, kaž je jón Mójzes na horje Horebje dožiwił, wopisane w starozakonskej knize Eksodus (Eks 3). Tam słyšiće super hudźbu a wulkotne rozmołwy wo wěrje, šuli, seksualnosći a přećelstwje z Jězusom.

Katolske hibanje Jugend2000 International tute zetkanje organizuje. Wone chce nowy nutřkowny poměr ke Knjezej a k našim sobučtowjekam natwarić pomhać. Naš job w njebjesach wšak budže, zo změjemy Boha chwalić. To njemóžeš zahe dosć nazwučować. W Marienfriedže chcemy runje to činić.

„Got Prayer?“ Džensa so hižo modliť? Je so za tebe džensa hižo něchtó modliť? Potajkim: Na kolena, hotowe, start!

Na mjezynarodny prayerfestival w Marienfriedže wotjědže pjatk, 16. awgusta, w 6 hodź. bus wot Budyskeho klóšterka. Jězba z busom je zadarmo. Jako přinošk k wudawkam za wobdźělenje na festiwalu prosy so wo dobrowólny dar. Bus wróci so njeđzelu, 18. awgusta, wokoło 22 hodź. do Budyšina.

Zajimcy njech so pola fararja Gabriša Nawki pod e-mailowej adresu ganawka@nexgo.de abo pola mje pod brotherpaulus@hotmail.com přizjewja.

Pater Paulus Tautz, franciskan

► www.prayerfestival.org

Pater Paulus je ze swojej band „Bronx Brothers“ w léće 2010 na přiwzaću młodostnych w Chróscicach hrał. Tehdy přebywachu mniša na misionskej turje po wuchodnej Němskej pod mjenom „Misija wuchodny wětrik“. Tehdyša strona KNOTWIŠĆA je aktualnje pod www.posol.de wozjewjena.

